



Broj: 05-04-20-3140-4/22
Datum: 20.07.2022. godine

Na osnovu čl. 70. i 72. stav (3) tačka a) Zakona o javnim nabavkama („Službeni glasnik BiH“, broj 39/14) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), u postupku javne nabavke „Izvođenje radova na sanaciji ulazne fasade objekta Vatrogasnog doma“, načelnik općine Maglaj donosi

ODLUKU o dodjeli ugovora drugorangiranom ponuđaču

I

Ugovor o izvođenju radova na sanaciji ulazne fasade objekta Vatrogasnog doma dodjeljuje se drugorangiranom ponuđaču „DKM gradnja“ d.o.o. Maglaj, sa ponudenom cijenom od **7.988,00 KM bez PDV-a, odnosno 9.345,96 KM sa uračunatim PDV-om**, a nakon što najpovoljniji ponuđač nije, u ostavljenom roku, dostavio dokumentaciju iz čl. 45. i 47. Zakona o javnim nabavkama.

II

Ovom odlukom stavlja se van snage Odluka o izboru najpovoljnijeg ponuđača, broj 05-04-20-3140-3/22 od 12.07.2022. godine, kojom se ugovor dodjeljuje ponuđaču „Kula-mont“ d.o.o. Zenica.

III

Ponuđač iz tačke I dužan je, u roku od pet dana od dana zaprimanja ove odluke, dostaviti dokaze koji su tenderskom dokumentacijom i Zakonom o javnim nabavkama utvrđeni kao dokazi koje je obavezan dostaviti izabrani ponuđač.

IV

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

V

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

Obrazloženje

Odlukom o pokretanju postupka, broj 05-04-20-3140/22 od 23.05.2022. godine, pokrenut je postupak javne nabavke „Izvođenje radova na sanaciji ulazne fasade objekta Vatrogasnog doma“, konkurentski zahtjev za dostavu ponuda. Predmetna javna nabavka objavljena je na Portalu javnih nabavki, obavještenje o nabavci broj I140-7-3-72-3-28/22 od 21.06.2022. godine. Kriterij za dodjelu ugovora je najniža cijena.

Nakon donošenja odluke o izboru najpovoljnijeg kandidata, ista je dostavljena svim ponuđačima koji su učestvovali u postupku, uz zapisnik o pregledu i ocjeni ponuda, putem

elektronske pošte. Oba ponuđača su odluku uredno zaprimila dana 12.07.2022. godine. Predmetnom odlukom izabrani ponuđač je pozvan da u roku od pet dana od dana njenog zaprimanja dostavi dokumentaciju iz čl. 45. i 47. Zakona o javnim nabavkama, međutim on je to propustio učiniti.

S obzirom da izabrani ponuđač u predviđenom roku nije dostavio traženu dokumentaciju, ugovorni organ je postupio u skladu sa članom 72. stav (2) tačka a) Zakona o javnim nabavkama i ugovor o izvođenju radova na sanaciji ulazne fasade objekta Vatrogasnog doma dodijelio drugorangiranom ponuđaču, kako je i navedeno u dispozitivu ove odluke.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od 5 (pet) dana od dana prijema odluke.

Obrađivač:

Irma Šahman-Šehić 

DOSTAVLJENO:

1. Ponuđačima – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



NAČELNIK OPĆINE
Mirsad Mahmutagić